

永樂大典

卷一萬二千四十
四

永樂大典

卷二二〇四四

永樂大典卷之一萬二千四十四

二十有

酒

罰酒

事文類聚勝其不飲者。用酒咒其醉注罰酒也。醉然不用奈色凡此飲酒。或醉或否。既立之監。或佐之史。彼醉不減。不醉反

取。或勿從謂。無俾太息。匪言勿言。匪語勿語。由醉之言。俾出重笈。三爵不識。刑政多。各賓之初。廷智悼子卒未葬。魯平公飲酒師曠。李調侍鼓鍾杜

著入寢酌曰曠飲斯。又酌曰調飲斯。又酌堂上北面而飲之。降趨而出。的甘芻平公呼而進之曰。養養者爾心。或開。予是以不與爾言。爾飲曠何

也。曰子卯不樂。射以甲子死。祭以乙卯亡。王者謂之疾日。不以樂樂所以自戒。惟知悼子在堂。斯其為子卯也大矣。言大臣表重於疾日也。曠也太

師也。不以詔。是以飲之也。師也。奏樂爾飲。調何也。曰調也。君之繫臣也。為一飲一食。忘君之疾。是以飲之也。言調合酒食。樂近也。近臣亦當視君疾

憂。爾飲何也。曰著也。宰夫也。非刀匕是共。又敢與知防。是以飲之也。防禁故。道公曰。寡人亦有過焉。酌而飲寡人。杜黃洗而揚解。公曰。如我死則必

永樂大典卷之一萬二千四十四

無廢斯爵也。遂謂之杜舉。後高似孫給畧。梁孝王遊忘憂之館。集諸遊士。使各為賦。枚乘為柳賦。路喬如為鶴賦。公孫詭為文虎賦。鄒陽為酒賦。

公孫乘為月賦。羊勝作屏風賦。韓安國作風賦。不成。鄒陽代之。罰酒三升。餘各賜絹五匹。帝幸辟雍。會命群臣賦詩。侍中和道。尚書陳騫等作詩

稽留。有司奏免官。詰曰。吾以闇昧。愛好文雅。廣延詩賦。以知得失。而乃爾紛紜。良用反側。其和道等。各罰酒。石崇。元康六年。從京出。為征虜將軍

有別廬。在南縣界澗谷中。時征西大將軍王詡。當還長安。與眾賢共送在澗中。晝夜遊宴。遂各賦詩。不能者。絳色。令潘豹。散騎常侍劉遵。南郡太守

石崇。各罰酒三勝。觀此三事。則蘭亭修禊。賦詩不成者。罰酒。非止此也。左傳。景公飲酒。田桓子侍。望見晏子。而復於公曰。請浮晏子。公曰。何故也。無

字對曰。晏子衣緇布之衣。麋鹿之裘。棧軫之車。而駕鷩馬。以朝。是隱君之賜也。公曰。諾。晏子坐酌者。奉觴進之曰。君命浮子。晏子曰。何故也。田桓子

曰。君賜之卿位。以尊其身。寵之百萬。以富其家。群臣其爵莫尊於子。祿莫重於子。今子衣緇布之衣。麋鹿之裘。棧軫之車。而駕鷩馬。以朝。是則隱君

之賜也。故浮子。晏子避席曰。請飲。而後辭。予其辭。而後飲乎。公曰。辭然後飲。晏子曰。君之賜卿位。以尊其身。嬰非敢為顯愛也。為行君令也。寵以百

萬以富其家。嬰非敢為富愛也。為通君賜也。臣聞古之賢君。有愛厚賜而不顧其因族。則遇之。臨事守職。不勝其任。則過之。君之內隸。臣之父兄。若有離散在于野鄙。此臣之罪也。君之內隸。臣之所職。若有播之在於四方。此臣之罪也。兵革之不完。戰車之不修。此臣之罪也。若夫弊車駑馬以朝。意者。非臣之罪乎。且臣以君之賜。父之黨。無不乘車者。母之黨。無不足於衣食者。妻之黨。無凍餒者。國之間士。待臣而後舉火者。數百家。如此者。為彭君賜者。為隱君賜者。公曰。善。為我浮無字也。續世說。敬宗時。裴度自與元入現。既至。李逢吉不欲度復入中書。京兆尹劉棲楚。運吉黨也。棲楚等十餘人。駕肩排度。而朝士持兩端者。日擁度門。一日度留飲酒。棲楚矯求度之歡。由躬附裴耳而語。崔威疾其誚偽。舉觴罰度曰。丞相不當許所由官。躡需耳語。度笑而飲之。棲楚不自安。趨出。坐客皆快之。太平御覽。說苑曰。魏文侯與大夫飲。使公乘不仁為觴政。曰。飲若不盡。浮之。大白。文侯不盡。公乘不仁舉白浮君也。錦繡萬花谷文選。飛觴舉白。蓋酒盃也。揚大年詩。愁裏酒盃浮大白。夢回香冢上孤青。又。當須舉白便浮君。北窓叢錄。陽翟李鷹方叔。早以文章見知於東坡先生。晚年坎壈。竟不偶而死。嘗賦老歎一篇曰。此身常恐竟無成。憂患頻更已不驚。下第但能供酒令。他時

永樂大典卷萬三千四十四

二

何意主文盟。晚經謾有春秋癖。閉戶猶防月旦評。獨對秋風歎華髮。蕭瑟歲時。詩尾自題云。東坡去年帥定武。館中諸學生。別於惠濟東坡。舉白浮歐陽叔弼。陳伯修。常希古。曰。以君為主司。而失李方叔。是可罰也。三君皆慙謝。時文潛在坐。輒復舉白浮東坡曰。先生亦當飲此。東坡曰。何也。文潛曰。昔元祐初。先生知貢舉。而方叔不第。則與三君其罰均也。士大夫皆傳之。劉公嘉話。文人曰。當裴廷齡之橫也。丈人座主。顧侍郎捷。笏欲擊之曰。段秀實笏擊賊臣。顧少連笏擊姦臣。時會于田錫宅。元友直為酒。紀。各罰一盃。以孫健之。俗謂籠合是也。世說新語。謝奕作剡令。中興書曰。謝奕字無奕。陳郡陽夏人。祖衡。太子少傅。父象。吏部尚書。奕少有器識。辟太尉掾。剡令。累遷豫州史。有一老翁犯法。謝以醇酒罰之。乃至過醉。而猶未已。太傅時年七八歲。着青布袴。在兄膝邊坐。諫曰。阿兄。老翁可念。何可作此。奕於是改容曰。阿奴欲放去邪。遂遣之。惟揚志。宋公庠在揚州。使工甃堂塗。取卮酒與之。後知誤取。庠使立償之。而取者皆被罰。盧氏雜說。崔郾為京尹。日三司使。在永達亭子宴。丞郎崔乘酒突飲。眾人皆延之時。譙公夏侯攷為戶部使。問曰。尹曾任給舍否。崔曰。無。譙公曰。若不曾。歷給舍。京兆尹不合。衛丞郎宴。命酒亂來。要下等。且喫罰爵。取三大器物。引滿

飲之良久方起。次引馬軍將至。楚雀出為賓客分司。事文類聚詩句。明當罰二子。已洗兩玉舟。百罰深孟亦不辭。杜快須飲此勿復辭。何周區區較醒醉。坡好詩惡韻應難和。刻燭應須便置觥。賦詩罰酒。册府元龜梁威有善飲酒。高祖招延後進二十餘人。置酒

賦詩。看以詩不成。罰酒一斗。看飲盡顏色不變。言笑自若。時蕭介染翰便成。文無加點。高祖兩美之曰。威有之飲。蕭介之文。即席之美也。幸於領軍將軍。馬明史實錄。晉郝隆為桓公南蠻參軍。三月三日會。作詩不成者。罰酒二升。隆初以不能。罰酒飲畢。攬筆作一司云。娥陽躍清池。還問娥陽是何物。答曰。蠻名魚為娥陽。桓公曰。作詩何以蠻著。詩罰酒。金語。隆曰。千里投公。始得蠻府參軍。那得不蠻語。著詩罰酒。樓

子雜記下篇。高貴鄉公賦詩。給事中甄陶成嗣。各不能著詩。受罰酒。金谷聚前。絳邑令邵榮陽。中牟潘豹。不能著詩。沛國劉遠。不能著詩。五罰酒三斗。斯無才。酒失。册府元龜。傳曰。秦豕為酒。非所以為禍也。而之甚矣。獄訟益繁。則酒之流生禍也。故酣酒者大為之訓。日富者小雅所識。其敢宗飲者周公之格言。不及於亂者仲尼之申戒。乃有沈酒自恣。荒腆不已。狂藥內攻。伎心中作。惡言暴怒。奮攘交聞。忤

世奸法。蹈禍蒙恥。至或臨戎而致敗。殺人而不忘。曠廢官守。天開生理者。亦比比有之。率用類次。以為民鑒。又荆共王與晉厲公戰於鄆。陵。荆師敗。共王傷臨戰。司馬子反渴而求飲。豎陽殺之。一云。殺陽。豎子反內。豎也。操參酒而進之。酒若受三升。曰參。子反曰。豎退酒也。豎陽殺曰。非酒也。子反曰。豎退却。豎陽殺又曰。非酒也。子反受而飲之。子反之為人也。嗜酒甘而不能絕於口。醉戰既罷。共王欲復戰而謀。使召司馬子反。子反辭以心疾。共王駕而往視之。入幄中。聞酒臭而還。曰。今日之戰。不殺親侍所侍者。司馬也。而司馬又若此。是忘刑國之社稷。而不恤吾衆也。不殺無與復戰矣。於是罷師去之。斬司馬子反以為戰。故豎陽殺之進酒也。非以醉子反也。其心以忠也。而適足殺之。故曰小忠大忠之賊也。左傳云。殺陽豎獻飲於

子反。子反醉而不能見。王曰。天賦楚也。夫余不可以待乃宵。迺楚世家云。晉敗楚射中。共王自共王召將軍子反。子反嗜酒。從者豎陽殺。迺酒醉。王怒射殺子反。遂罷兵歸。又漢灌夫為太僕。與長樂衛尉實甫飲。輕重不得。謂飲酒禮數輕重。不得其平也。夫醉持矛。將以手擊之。甫實太后昆弟。武帝恐太后誅夫。徙夫為燕相。數歲坐法。去家居長安。夫為人剛直使酒。不好面諛。責戚諸勢在己之右。欲必陵之。士在己左。愈貧賤。尤益禮敬。夫家

居雖富然失勢賓客益衰及魏其侯嘗與之失勢亦欲倚夫引繩排楊平生慕之後棄之者夫亦倚魏其而通列侯宗室為名高兩人相為引重其游如父子然相得甚驩無厭恨相知晚夫嘗有服過丞相蚡蚡也丞相從容曰吾欲與仲孺過魏其侯會仲孺有服夫曰將軍乃肯幸臨况魏其侯夫安敢以服為解請語魏其侯俟其將軍旦日蚤臨武安許諾武安及日始也夫具語魏其侯如所謂武安侯魏其與其夫人益市牛酒夜灑掃早帳具至平旦令門下伺候至日中丞相未起魏其謂夫曰丞相豈忘之哉夫不憚曰夫以服請且往乃駕自往迎丞相丞相特前戲許灌夫殊無意往及至門丞相尚卧於是夫入見曰將軍昨日幸許過魏其魏其夫妻治具且至今未敢嘗食武安鄂一作怙謝曰吾昨日醉忽忘與仲孺言乃駕往及飲酒酣夫起舞屬丞相丞相不起夫從坐上語侵之魏其仍扶灌夫去謝丞相丞相卒飲至夜極驩而去丞相嘗使籍福詣魏其城南田不得由此怨灌夫魏其後丞相娶燕主女為夫人有太后詔召列侯宗室皆往賀魏其侯過灌夫與俱夫謝曰夫數以酒失得過丞相今者又與夫有却魏其曰事已解強與飲酒酣武安起為壽皆避席伏已魏其侯為壽獨故人避席爾餘半膝席灌夫不悅行酒至武安武安膝席曰不能滿觴夫

永樂大典卷萬二千四十四

四

怒因嘻笑曰將軍貴人也屬之為一作平時武安不肯行酒次至臨汝侯灌安豫名賢臨汝侯方與程不識耳語又不避席夫無所發怒乃罵臨汝侯曰生平毀程不識不直一錢今日長者為壽乃效兒女咕躡耳語武安謂灌夫曰程李俱東西宮衛尉今眾辱程將軍仲孺獨不為李將軍地乎灌夫曰今日斬頭陷胷何知程李乎坐乃起更衣稍稍去夫出武安遂怒過戲騎縛夫戲謂曰虎謂指虎命之其縛也繫居室著名屬少府棄市事具總錄忘半門于丞丞相定國之子少時嗜酒多過失以父任為侍中中郎將廉衡子昌為越騎校尉醉殺人詔繫獄越騎官屬與昌弟且謀篡昌遂取昌事發覺衡時為丞相免冠徒跣待罪又周顛字伯仁中興建為吏部尚書以醉酒為有司所糾白衣領職後為左僕射領吏部元帝譙群公于西堂酒酣從容曰今日名臣共集何如亮時耶顛因醉厲聲曰今雖同人在何得復比聖世帝大怒而起手詔付廷尉將加戮累日方赦之尋為護軍將軍尚書紀瞻置酒請顛及王導等顛荒醉失儀復為有司所奏詔曰顛參副朝右職掌銓衡當敬慎德音式是百辟屢以酒過為有司所繩吾亮其極歡之情然亦是濡首之誡也顛必能克已復禮者今不加黜責初顛以雅望獲海內威名復頗以酒失為僕射畧無醒日時人

永樂大典

卷二二〇四四

號為三日僕射。庾亮曰：周侯末年，所為風德之衰也。又云：伯仁風德雅重，深遠危亂，還江東積年，恒大飲酒，嘗經三日不醒。人謂之三日僕射。晉庾純為河南尹，以司空賈充姦佞，與任愷共舉充。西鎮關中，充由是不平。充嘗宴朝士，而純後至，充謂曰：君行常居人前，今何以在後？純曰：且有小事，非事不了。是以未後。世言純之先嘗有五百者，充之先有市魁者，充純以此相讓，烏充自以位隆望重，意殊不平。及純行酒，充不時飲，純曰：長者為壽，何敢爾乎？充曰：父老不歸，供養將何言也？純因發怒曰：賈充天下兒，鬼由爾一人。充曰：充輔佐二世，蕩平巴蜀，有何罪而天下為之兒兒？純曰：高貴鄉公何在？眾坐因罷。充左右欽執純，中護軍羊琇侍中王濟佑之，因得出。充慙怒，上表解職，純懼，上河南尹關內侯印綬，上表自劾曰：司空公賈充請諸鄉校并及臣，臣不自量，飲酒過多，醉亂行酒，重酌於公，公不肯飲，言語往來，公遂訶臣，臣老不歸，供養卿為無天地，臣不服罪，自引，而更忿怒，厲聲名公臨時諛說，遂至荒越，禮八十月製，誠以衰老之年，變難無常也。臣不惟生育之恩，求養老父，而懷祿貪榮，烏鳥之不若，充為三公，論道興化，以教義責臣是也。而以枉錯直，居下犯上，醉酒迷荒，昏亂儀度，臣得以儿才，擢授顯位，易戒濡首，論誨酒困，而臣聞義不服，過言盈庭，瀆慢

永樂大典卷二二〇四四

五

台司，違犯憲度，不不以訓，請臺免臣官，廷尉結罪，大鴻臚劾爵士，勅身不謹，伏瀕罪誅。御史中丞孔恂劾純請免官，詔曰：先王崇尊卑之禮，明貴賤之序，著溫克之德，記沈酗之禍，所以光宣道化，示人軌儀也。昔廣漢陵慢宰相，獲犯上之刑，灌夫託醉肆忿，致誅斃之罪，純以儿才，備位卿尹，下惟謙敬之節，不思覆車之誡，陵上無禮，悖言自口，宜加顯黜，以肅朝倫。遂免純官。後趙徐光為右勅記室參軍，石勒如苑，卿召光，光醉不至，以光物情所湊，常不平之，因此發怒，退為牙門，勒自苑，卿如鄴，徐光侍直，愠然攘袂，振纓仰視，不顧，勒因而惡之，讓光曰：何負卿而敢快？快耶？於是幽光，并其妻子于獄。南齊焦度為東宮直閣將軍，好飲酒，醉輒暴怒，高帝常使人節之。周山圖為給事中，冗從僕射，直閣將軍，山圖好酒，多失時，帝數加怒，詔後遂自改。到搗，永明中為御史中丞，車駕幸丹陽郡，宴飲，搗侍舊酒，後狎侮，同列言笑過度，為左丞，度果之所糾，贖論。曹景宗為領軍將軍，高祖數譙見功臣，共通故舊，景宗醉後，謬妄或誤，稱下官，高祖故縱之，以為笑樂。李肅為黃門郎，性酒狂，熙平初，從靈太后幸江陽，王繼弟肅時侍飲，頗醉，言辭不遜，抗辱太傅清河王澤，為有司彈劾，靈太后怒之，出為章武內史。盧昶為雍州刺史，性好酒，曾於婦氏飲，宴小有不平，手

刁其客程靈幹為梁郡太守以酒為徐州刺史武昌王鑒所劾失官既下梁郡志力少衰猶時為酒困去官祿不免饑寒裴茂伯為黃平王贊文學好飲酒頗涉踈傲末年制飲不已乃至傷性多有愆失薛孤延初仕東魏為左衛將軍左廂大都督與諸軍將討潁川延專監造土山以酒醉為故所襲據潁川平諸將還京師譙於華林園文襄啓魏帝坐延於階下以辱之曾矣祖宗之為竟陵太守北奔矣任魏為荊州刺史襄陽公鎮長社矣勿染殊俗無復華風鹿中使酒數有過失魏太武將誅之後遂將家屬歸宋北齊高隆之初仕後魏驃騎大將軍西魏文帝曾與隆之因酒忿競文帝坐以黜免高祖責隆之不能協和乃啓出為北道行臺皮喜為豫州刺史詔讓其在州寬怠以飲酒廢事咸不禁下遣使者就州決以杖罰于若襲父祚爵為鉅鹿國公若多酒過為叔父景所捕執既措侍中琛之子琛啓除祕書郎宣武未幾措與河南尹丞張普惠等飲戲免官王澄為荊州刺史聞郭舒名引為別駕澄終日酣飲不以衆務在意荆土士人宗厥嘗因酒忤澄澄怒叱左右捧箴舒厲色謂左右曰使君過酒汝輩何敢妄動澄意曰別駕狂邪班言我醉因遣指其鼻矣其眉頭舒跪而受之澄意少釋而厥遂得免王直方為右補闕太和九年

永樂大典卷萬三千四十四

六

出為興元府城固令直方始為鎮州册贈使謁祖墓於邢州時劉從諫自以位兼宰相於直方禮有所不至直方飲酣頗以語侵之從諫怒具以表聞直方素有直躡文宗雖嘉之然非當時姦邪所樂及是以直方家於城固因而遣之田謂為泉州刺史寶曆二年削謂官一任徵本州益鐵院官裴汾銅四十斤謂使酒與汾交爭為本道廉使舉奏因各懲罰薛延老為殿中侍御史翰林學士因飲酒沈醉文宗聞之以為失於敬慎遂罷翰林李景儉為諫議大夫凌茂公卿大臣使酒尤甚尋出為建州刺史未幾元稹用事召還復為諫議大夫長慶初景儉退朝與兵部郎中知制誥馮宿庫部郎中知制誥楊嗣復起居舍人温造司勳負外郎李肇刑部負外郎王鎰等同謁史官都負外郎獨孤郎乃詣史館同飲景儉乘醉遂入中書徧詣時宰面詰侮王播崔樞杜元穎皆呼其姓名詞頗慢易播等知其狂酒且遜止之以事聞詔曰丞相府署國家樞機上法三台下臨百辟若等咸可紊則堂陛不嚴諫議大夫李景儉乃因酣醉輒肆叨瀆詈詈侮慢靡所不為詢其狂態甚用驚聽宜加譴責以守遐荒子非深勉勉自脩者可漳州刺史仍馳驛發遣又貶獨孤郎為韶州刺史温造郎州李肇澧州王鎰鄂州並與景儉同飲也蕭穎達出為豫章內史意甚憤憤未

發前預華林宴。酒後於座辭氣不悅。沈約因勸酒。欲以釋之。顧連大罵約曰。我今日形容。正是汝老鼠所為。何忽復勸我酒。舉座驚愕。高祖謂之曰。汝是我家阿五。臣以若等曰。顧連齊光祿大夫。亦齊第五弟也。與梁同姓。故云我家阿五。沈公宿望。何意輕脫。若以法繩汝。汝復何理。顧連竟無一言。唯大涕泣。帝心愧之。梁謝覽為侍中。顧樂酒。因譙席與散騎常侍蕭琛。解相詆毀。為有司所奏。高祖以覽年少不直。出為中權長史。荀仲舉字士高。潁川人。仕梁為南沙令。從蕭明於寒山。被執。長樂王尉景甚禮之。與景劇飲。鬻景指至骨。文宣知之。杖仲舉一百。或問我郎知許。當是正疑是鹿尾兩。平鑿為揚州刺史。其妻生男。鑿因喜酣醉。擅免境內囚。誤免關中細作二人。醒而知之。上表自劾。文宣特原其罪。後唐蕭愿為太常少卿。明宗朝。祀太微宮。愿乘醉預公卿之列。為御史所彈。左遷右贊善大夫。周傳珣。廣順初。為通事舍人。善於詞令。後因宣制。以醉失儀。停任。遣歸讓。顯德中。為御史中丞。世宗宴於廣德殿。歸讓飲酣。忽揚袂而言曰。至於一盃而已。帝遣黃門扶出之。歸讓猶迴顧曰。陛下何不決殺趙守微。臣以若等曰。時守微自民間獻頌。世宗擢拜右拾遺。尋以指斥配流。翌日歸讓以酒過。伏閣請罪。帝釋之。仍令於閤門復飲數爵。以愧其心焉。吳

陳勤為凌統督將。統嘗擊賊。圍先期。統與勤會飲酒。勤剛勇任氣。因督酒際。陵轢一坐。舉罰不以其道。統疾其侮慢。面折不為具酒。勤怒。誓統及其父操。統流涕不答。衆因罷坐。勤乘酒出悖。又於道路辱統。統不能忍。引刀斫勤。數日死。及當攻也。統曰。非死無以謝罪。乃率屬士卒。身當矢石。所攻一面。應時破壞。諸將乘勝遂大破之。還自拘於軍正。推壯其果毅。許以功贖罪。虞翻字仲翔。為騎都尉。性疏直。數有酒失。漢雋灌夫傳。數以酒失過。丞相師古曰。言因酒有失。得罪過於丞相。捫鼻新語。讀竇灌田蚡傳。想其使酒罵坐。口語歷歷。如在目前。便是靈山一會。儼然未散。後漢書。陶謙傳。謙參車騎將軍張溫。軍事溫過謙甚厚。而謙內輕溫。及平邊章。韓遂軍。遂百寮高會。溫屬謙行酒。謙衆辱溫。溫怒。徙謙於邊。或謂溫曰。陶恭祖本以材畧見重。一朝以杯酒過失。不蒙容貸。遠徙不毛。厚德不終。四方人士。何所歸仰。溫乃追還謙。或勸謙謝溫。過溫於官門。謙仰曰。謙自謝朝廷。豈謝公耶。溫曰。恭祖癡病尚爾。未除。待之如初。事文籍。東方朔嘗醉入殿中。小遺。殿上劾大不敬。免為庶人。張安世為光祿勳。郎有醉小便殿上。主事白行法。安世曰。何以知其非反水漿耶。其掩人過如此。梁謝幾卿為尚書左丞。於省間裸飲。及醉。小遺。下露。令史為南司所彈。幾卿亦不介。

意。劉伯芻連主客負外郎。數過友家飲。噉為常。執誼所陰劾。貶虔州參軍。太平御覽續漢書曰。時聖公聚客。家有酒。請遊。徵飲。賓客醉。歌言朝。東兩都尉。遊徵。後來調美味。遊徵大怒。縛。搥數百。晉裴楷傳曰。石崇以功。臣子有才氣。與楷志趣各異。不與之交。長水校尉孫季舒。嘗酣。譙。慢。傲。過。度。欲表免之。楷聞之。謂崇曰。足下飲人狂藥。責人正禮。不亦乖乎。乃止。汝南張妙。酒後相戲。遂縛。搥二十下。又縣足。指。逆。至。死。鮑昱決事云。原其本意。無賊心。宜減死。後漢書高祖紀。翰林學士李幹。輕薄多酒失。上惡之。丙子罷翰林學士。併其職於中書舍人。淮南鴻烈解。詮言訓。今有美酒嘉肴。以相饗。卑體。婉辭。以接之。欲以合歡。爭。盈。爵。之。間。反。生。闕。闕。而。相。傷。三。族。結怨。反其所憎。此酒之狀也。唐撫言。崔楷酒後多失。虔州陸郎中。賦。以。詩。謝之。醉時顛。醒時羞。魏藻。催人不自由。巨耐一雙窮。相。眼。不堪。花。卉。在前頭。儒學。警。悟。武。夷。有一狂者。爛醉。詈。及。屏。山。先。生。劉。彥。冲。次。日。修。書。謝罪。先生不責其過。但於紙尾。復之云。蛇本無影。弓候。搖。之。影。既。無。之。公。又何疑。白首如新。傾蓋如故。真。連。者。之。詞。也。李俊。民。鶴。鳴。集。劾。張。唐。臣。酒。過。欲。解。憂。於。杜。康。佳。期。難。遇。俄。立。威。於。霹。靂。和。氣。有。傷。民。自。速。辜。酒。以。為。禮。序。點。揚。解。而。語。杜。黃。歷。階。而。升。罰。以。咒。魘。脅。以。重。殺。彼。醉。不。減。縱。意。

永樂大典卷萬三千四百

八

所如。受爵不讓。多言數窮。登林而忤鄭公。脫靴而忿力士。鳩夷過左阿君之家。沐猴舞平。思侯之第。自以為適。不知敗德。自以為真。不知喪身。至有汝陽涎流。公孫腹溢。賀監眼花。夷吾舌出。未歌驪駒。先賦相鼠。犯朱虛之令。激灌夫之怒。拳安劉伶之肋。帽脫張旭之頂。曳墮地之避。罵到官之鄭。不聞南康之納。狂客不見後閣之遺。窮賓在側。雖有二豪。所指豈惟十手。醉猶未醒。死而復甦。初逢武坐之蛇。便可去矣。誰謂朱門之犬。如此惡。邪。仰天而呼。烏。向空而書。出。咄。幾。年。程。善。方。思。公。謹。之。交。三。旦。楚元。罷。設。務。生。之。醴。宜。如。薄。責。用。做。非。彝。蓋。省。前。愆。勿。貽。後。患。縱酒。晏子內篇。晏子曰。靜處遠慮。見歲若月。學問不厭。不知老之將至。安用從酒。田桓子曰。何謂從酒。晏子曰。無客而飲。謂之從酒。今若子者。晝夜守。謂之從酒也。漢高田儂傳。縱酒。師古曰。縱。放。也。故意而飲酒。結後漢書。顧雍傳。雍。曾。孫。榮。字。彥。先。務。之。子。也。恒。縱。酒。酣。暢。謂。友。人。吳。郡。張。翰。曰。惟。酒。可以忘憂。但無如作病何。鍾會傳。裴松之曰。正始八年。會為尚書郎。時大將軍曹爽專朝政。日縱酒沉醉。會兄侍中毓。宴還言其事。夫人曰。樂則樂矣。然難久也。君上不驕。制節謹度。然後乃無危溢之患。今奢僭若此。非長守富貴之道。契丹志。聖宗皇帝。以承無事。縱酒作樂。與臣下飲會。皆

連日夜或自歌舞。或命后妃以下。彈琵琶以送酒。金史李純甫傳。純甫為人聰敏。少自負其材。謂功名可俯拾。上萬言書。援宋為證甚切。當路者以迂闊見抑。中年度其道不行。益縱酒自放。無任進意。得官未成。考旋即歸隱。日與禪僧士子游。以文酒為事。嘯歌袒裼。出禮法外。或飲數月不醒。人有酒見招。不擇貴賤。必往。往輒醉。雖沈醉亦未嘗廢著書。劉祁歸潛志。李翰林純甫。字之純。弘州襄陰人。初為詞賦學。惟以文酒為事。至於談笑怒罵。燦然皆成文理。韓澆湖泉集。縱酒詩。縱酒非能飲。長言未是詩。年華除夜。逼必事故人為君。欲醉酒醉。我還歸便歸。南嶺到南嶺。官柳野梅知。

退朝縱酒

清書蕭琮傳。琮性淡雅。不以職務自嬰。退朝縱酒而已。逸遊縱酒

劉昉傳。高祖以昉有定策之功。拜上大將軍。封黃國公。前後賞賜鉅萬。出入以甲士自衛。朝野傾囑。時王謙司馬消難相繼而反。高祖憂之。志寢與食。昉逸遊縱酒。不以職司為意。相府事物多所遺落。高祖深銜之。以高頴代為司馬。是後益見疎忌。高歌縱酒。世說路恕私第。有佳園林。自貞元初。李紆色倍輩。迄于元和末。僅四十年。朝之名卿咸從之遊。高歌縱酒。不屑外慮。未嘗問家事。人亦以和易稱之。

永樂大典卷萬三千四十四

九

博奕縱酒

陸游南唐書。柴克宏列傳。克宏為龍武軍都虞候。好施予。不事產業。故家常窮空。然性豪舉。博奕縱酒。自

若也。又克宏。吳功臣再用之子。疏矣任義。不拘小行。以父廢為郎將。累遷龍武軍都虞候。常與賓客博奕。以贖酒為務。日夜縱

酒

通鑑後周太祖紀。楚王希範。既得志。多思舊怨。殺戮無度。晝夜縱酒。荒淫。以軍府事委馬希崇。希崇復多私曲。政刑紊亂。府庫既盡。於亂

兵籍民財。以賞資士卒。或封其門而取之。士卒猶以不均。怨望。雖朗州舊將佐。從希崇來者。亦皆不悅。有離心。疾惡縱酒

通鑑周世宗紀。初。翰林學士常夢錫。知宣政院。參預機政。深疾宋齊丘之黨。數言於唐主曰。不去此屬。國必危亡。與馮延巳。魏岑之徒。日有爭論。父

之罷。宣政院。夢錫鬱鬱不得志。不復預事。縱酒成疾而卒。注。晉亦王開運三年。已言常夢錫縱酒事。去年。已言夢錫死。馮延巳之黨。事。且縱酒。已非

一日。久乃成疾而卒。夢錫為戶部郎中。遷諫議大夫。翰林學士。時特置宣政院於內庭。命夢錫專掌。逾年罷。宣政院為學士如初。既而宋齊丘馮延巳等。毒黨愈熾。夢錫終不能勝。遂稱病縱酒。希復朝謁。會鍾謨李德明分

掌吏兵二部。以夢錫人望。求為長史。以自重。乃除戶部尚書。知省事。固辭

不獲署終

憂憤縱酒

宋史忠義傳劉師夏從二王至海上。淫

尾而已。

將戰飲酒數斗。以及于敗。

使酒

醉鄉日月高書曰。沉酣于酒。抱朴子曰。君子以酒敗德。小人以

酒連罪。乃知始謀。惟往往翻以為禍。夫合樂設酒者。得不慎其選徒歟。大凡幾章程而務飲者。非惟源也。醒木訥而醉漆漆者。非惟源也。師已非而尚議。獄者非惟源也。得淺酒索酒酌者。非惟源也。飲愈多而貌彌淡者。非惟源也。不論令而嫉敏手者。非惟源也。已令謬而惡人言。非惟源也。好請罪而諱以籌者。非惟源也。此八者。蓋沉酣之滋。紛喧之鴻。漸也。無使滋蔓。雖悔可追。復有每獲登庭。必為負氣。謬矜明敏。輒縱雌黃。言已平張。必稱我罪。何以差池。則其必不免。又詐行忠告。傍作指瑕。或目逆送之。或口以傳授。倒上與下。欲蓋而彰。唯求傍若無人。未日及有餘地。所謂民斯下矣。是且與衆奔之。至于殊不務惟。更為使酒。一與一奪。始則晉楚爭強。載笑載言。俄成周鄭交惡。於是狂如祢生。奪若灌雋。惟口起羞。聲聞于外。或凌兢岸幘。或叱吃褰衣。驃牛飲十鐘。將虎視一席。紛挐酒坐。喧喧而踴躍。用觥。撓亂樂工。坎坎而自伐。鼓志。憑趨。大縱輕挑。斷絕而絲竹無倫。俯仰

永樂大典卷萬三千四十四

十

而章程夫緒。問令不已。告之而莫曉。悒悒使自趨之。茫然而不諧。節奏非無以指諭。終成執柯伐柯。既而冠履披猖。俄亦言語無節。風駭絃管。霧散綺羅。滅燈燭於花筵。發局闌於柳巷。遺其志。惟者潛身。僕地使酒者。攬營長衢。然後重端金缸。再陳綺席。列蟬娟之子。間風雅之賓。極歌管之能。竭章程之妙。使其克無害樂。暴不阻賢。緩從文園之中。深入醉鄉之路。然後絕蹤。助客。嗔指狂徒。惟從鳳歸於雲。禰在烏合而醉。九百君子。得無警馬。藉立子。撫然而歌曰。客卿如使酒。四座羅綺空。細笛半樓月。慢筍高樹風。金缸罷照耀。珠箔失玲瓏。疋馬上橋去。雙魚無復蹤。史記李布為河東守。孝文時。人有言其賢者。孝文召欲以為御史大夫。復有言其勇。使酒難近。至留邸一月。見罷。布因進曰。臣無功。竊寵待罪。河東陛下無故召臣。此人必有以臣欺陛下者。今臣至。無所受事。罷去。此人必有毀臣者。夫陛下以一人之譽而召臣。以一人之毀而去臣。臣恐天下有識聞之。有以窺陛下也。上嘿然。慙良久。曰。河東吾股肱郡。故時召君耳。布辭之官。漢高使酒。酏酒也。師古曰。言因酒害洽而使氣也。西漢書趙克國傳。宣帝詔。舉可護差校尉者。時克國病。四府舉。卒武小弟。卒湯。克國邊起奏。湯使酒不可與。蠻夷不如湯。凡臨喪時。湯已拜受。即有詔。更用臨喪。後臨衆病免。五府復

舉湯。湯數醉。醜。羗人反。畔。卒如充國之言。太平御覽。魏志。吳質黃初五年。朝京師。詔大將軍及特進以下。皆會質所。大官給供具。酒酣。質欲盡歡。時上將軍曹真性肥。中領軍朱鍊性瘦。質召優使說肥瘦。真負其貴。耻見賤。怒。謂質曰。卿欲以部曲將過我耶。驃騎將軍曹洪。輕車將軍王忠。言將軍必欲使上將軍肥。即自宜為瘦。真愈怒。拔刀。瞋目。言。俳敢說吾斬。尔遂罵。質案劍曰。曹子丹。汝非屠祝上肉。吳質。尔不咽。唾。咀。汝不嚙。牙。何敢恃勢。憍耶。鍊因起曰。陛下使吾等來樂卿耳。乃至此耶。質頷叱之曰。朱鍊敢壞坐。諸將軍皆還坐。鍊愈怒。還拔劍。斬地。遂使罷也。魏志。權既為吳王。歡宴之末。自起行酒。虞翻伏地。佯醉不起。權去。翻起坐。權於是大怒。手拔劍欲擊之。侍坐者莫不惶遽。唯大司農劉基起抱權。諫曰。大王以三爵後。手殺善士。雖翻有罪。天下孰知之。且大王以能容賢。畜衆。故海內望風。今一朝棄之可乎。權曰。曹孟德殺孔文舉。孤於虞翻何有哉。基曰。孟德輕害士人。天下非之。大王躬德。義欲與堯舜比隆。曾何自喻於彼乎。翻由是得免。權因勅左右。自今酒後言殺。皆不得殺也。梁書。謝善勸飲酒。至數升。醉後輒張眼大罵。雖貴賤親疎。無所擇也。時謂之謝方眼。裴遐嘗在平東將軍周護坐。與人圍碁。護司馬醉怒。因曳遐墮地。遐徐起。還坐。顧

色不變。復碁如故。其性和如是。續後漢書。劉隸傳。孫權為吳王。遷隸子基為大農。權嘗宴飲。驃都尉虞翻醉酒。犯忤。權欲殺之。咸怒甚盛。基犯顏諫。爭。翻以得免。卅府元通。晉。關微為義成軍節度使。史。翰。慕容。狂。率。酣。營。一日。使酒怒目。謂翰曰。明公昔刺車。懷與微。主客道至。事無不可。今領節鉞。數不相容。書記趙彊。險詖之人也。脅肩諂笑。資貨無厭。而明公待之甚厚。微今請死。近聞張彥澤。簡張武。未聞史。翰。斬。聞微。恐天下譁者。未有此類。翰不怒。引蒲自罰。而慰勉之。南唐書。張易傳。元宗立。易以水部員外郎。通判。欽州。刺史。朱。臣。業。平。居。甚。謹。然。醉。則。使。酒。陵。人。果。於。誅。殺。無。敢。犯。者。易。至。赴。其。宴。先。已。飲。醉。就。席。酒。甫。一。再。行。擲。杯。推。案。攘。袂。大呼。詬。責。鋒。起。臣。業。尚。醒。愕。然。不。敢。對。惟。曰。通。判。醉。甚。不。可。當。也。易。竟。我。嗜。噫。自。若。俄。引。去。臣。業。使。吏。掖。就。馬。自。是。見。易。如。敬。不。敢。復。使。酒。郡。事。亦。賴。以。濟。四。朝。聞。見。錄。臣。察。論。列。鄭。節。使。典。香。使。酒。尚。氣。政。事。鹵。莽。元。宗。諭。言。者。曰。臺。諫。之。職。固。在。風。聞。然。亦。須。得。其。彷彿。與。商。戰。畢。朕。向。在。東。宮。屢。與。之。同。侍。內。宴。消。滴。不。能。受。聞。酒。氣。輒。嘔。安。在。其。為。使。酒。也。言。者。慙。俱。而。退。隨。有。旨。于。外。資。治。通。鑑。唐。僖。宗。中。和。四。年。李。克。用。至。汴。州。營。於。城。外。朱。全。忠。固。請。入。城。館。於。上。源。驛。注。晉。天。福。五。年。改。東。京。上。源。驛。為。都。亭。驛。全。忠。就。置。酒。聲。樂。饌。具。

皆精實。禮貌甚恭。克用乘酒使氣。語頗侵之。全忠不平。薄暮罷酒。使者皆
露醉。言醉言飲酒大醉。身襟沾濕。不能自持也。宣武將楊彥洪密與全忠
謀。連車樹柵。以塞衝路。發兵圍驛而攻之。呼聲動地。克用醉不之聞。親兵
薛志勤。史敬思等十餘人。格鬪。侍者郭景銖滅燭。拔克用匿床下。以水沃
其面。徐告以難。呼火。吐翻。乃上。克用始張目。援弓而起。志勤射。汗人
死者數十。道史煙火四合。會大雨震電。天地晦冥。志勤扶克用。帥左右數
人。帥諸口。帥喻垣突圍。乘電光而行。汗人扼橋。力戰得度。史敬思為後拒。
戰死。克用登慰比門。憇比門。汗城南門也。越城得出。監軍陳景思等三百餘
人。皆為汗人所殺。楊彥洪謂全忠曰。胡人急則乘馬。見乘馬則射之。是夕
彥洪乘馬。通在全忠前。全忠射之。墜。射而木。翻。生。計。朝。事。類。合。璧。五。代。
吳世家。楊隆演嘗飲酒樓上。命優人高貴卿侍酒。徐知訓為參軍。隆演鴉
衣髻髻為蒼鶻。知訓嘗使酒罵高。語使隆演。隆演愧恥涕泣。而知訓愈辱
之。宋史。長編。楊景宗以外戚至顯官。然暴戾使酒任氣。知滑州。飲通判王
述仆地。帝深戒之。母飲酒。景宗雖書其戒。座右。頃之。報復醉。冊府元龜。元
麗為滎陽大守。性頗使酒。郡丞李琛每
諫之。麗醉輒令問曰。勿使坐入也。**剛直使酒** 漢書灌夫剛
直使酒不好

永樂大典卷之二十四

士

面諛。漢季布任俠有名。孝文時召
入為御史大夫。有言其勇。使酒難進。**愚慥使酒** 陳書柳盼為散
騎常侍。性愚慥

使酒。西。醉。乘。馬。入。殿。**恃才使酒** 宋書謝超宗。為人恃才使酒。多
門。為。有。司。劾。克。於。家。所。陵。忽。在。直。省。常。醉。上。召。見。語

及北方事。超宗曰。虜動來二十年矣。佛出亦
無如之何。以失儀出為南郡王中軍司馬。**仗氣使酒** 冊府元
龜。孔穎

為安陸王子。冠冠軍長史。江夏內史。穎為人使酒仗氣。每醉輒稱日不醒。
僚類之間。多所凌忽。尤不能曲意權幸。莫不畏而疾之。不治產業。居常貧
罄。有無。豈約。未嘗。閑。懷。為。二。府。長。史。典。籤。諸。事。不。呼。不。敢。前。不。令。去。不。敢
去。雖。醉。日。居。多。而。明。曉。政。事。醒。時。判。決。未。嘗。有。壅。衆。成。云。孔。公。一。月。二。十
九。日。醉。勝。他。人。二。十。九。日。醒。也。孝。武。每。欲。引。見。先。遣。人。覘。其。醉
醒。復。頭。反。敗。正。晏。斬。之。東。閩。外。臨。死。求。酒。曰。此。是。平。生。所。好。**因酒**

殺人 左傳。宣十年。陳靈公與孔寧儀行父飲酒於夏氏。公謂行父曰。
微舒似女。對曰。亦似君。微舒病之。公出自其廐射而殺之。二子

奔楚。古今事通。郭解。姊子。負解之。與。人。飲。使。之。醉。非。其。任。強。灌。之。人。怒
刺。殺。姊。子。亡。去。資。治。通。鑑。後。晉。高。祖。紀。閩。主。曠。荒。淫。無。度。嘗。夜。宴。吏。部。侍

永樂大典

卷一二〇四四

郎李光準醉忤旨。命執送都市斬之。吏不敢殺。繫獄中。明日視朝。召復其位。是夕又宴。拔翰林學士周維岳下獄。吏拂榻侍之。曰：相公昨夜宿此。尚書勿憂。醒而釋之。他日又宴。侍臣皆以醉去。獨維岳在。曠曰：維岳身甚小。何飲酒之多。左右或曰：酒有別腸。不必長。太曠欣然命捧維岳下殿。欲剖視其酒腸。或曰：殺維岳無人侍。陛下劇飲者乃捨之。曠上好為長夜飲。強群臣酒醉。則令左右伺其過失。從弟繼隆醉失禮。斬之。天福七年秋八月丙寅。曠主曠宴。群臣於九龍殿。從子繼柔不能飲。強之。繼柔私戒其酒。曠怒。并容將斬之。五代史。曠主曠為牛飲。群臣侍飲。醉而不勝。有訴及私棄酒者。皆殺之。晉書。武陵王滄傳。滄素與河內郭倣。倣親善。酒酣。倣等言張華之寃。滄性酗酒。因並殺之。送首於倫。其醜虐如此。太平御覽。張績為湘州刺史。初。吳興吳規頗有才學。邵陵王綸引為賓客。深相禮遇。及綸作牧。郢藩。規隨從。江夏。遇績出之湘鎮。路經郢。服綸饒之。南浦。績見規在坐。意不能平。忽舉盃曰：吳規。此酒慶汝得陪。今宴。規尋起還。其子翁孺見父不悅。問而知之。翁孺因氣結。尔夜便卒。規恨績。悲慟而憤哭。兼至。信次之間。又殞。規妻深痛夫。子。翌日又亡。時人為張績一盃酒。殺吳氏三人。宋史列傳。錢若冲。大中祥符中。調河陽令。有僕酗酒。杖之百數。僕挾刀夜潛

永樂大典卷萬三千四百四

十三

室中斷其臂。若冲大呼。又害其幼子。詔誅僕於其門。風俗通。言巴郡朱連母名靜。往阿奴家飲酒。連母坐上。夫氣。奴謂連曰：汝母在坐上。何無宜通。連曰：腸痛。誤耳。人各有氣。豈止我母。連罵奴。乃持木枕擊連。連死。連史高。模翰。傳。模翰。渤海人。有膂力。善騎射。好拔兵。初。太祖平渤海。模翰避地高麗。王妻以女。因罪。亡歸。坐使酒。被酒。漢高帝紀。高祖被酒。夜徑澤。殺人下獄。太祖知其才。賞之。

被酒

漢高帝紀。高祖被酒。夜徑澤。殺人下獄。太祖知其才。賞之。

音皮義反。東漢書。劉寬傳。熹平五年。寬為太尉。靈帝頗好學藝。每引見。常令講經。寬被酒。睡伏。帝問太尉醉邪。寬仰對曰：臣不敢醉。任重責大。憂心如醉。帝重其言。五代史。後唐趙鳳傳。祕書少監于喬。因被酒。往見鳳。鳳知其必不避。乃醉以沐髮。喬詒直吏。又溺於從者。直廬而去。省吏白鳳。喬溺於客次。且詬鳳。鳳以其事聞。明宗下詔。奪喬官。長流武州。百姓。又派振武。天下寃之。劉復村集。被酒詩。酒戶當年頗著聲。可堪病起困飛觥。醉吟。褚令為僮父。狂喚桓公作老兵。舊有呼聲皆鑿去。新無墨硯可澆平。投床。懶取騷經看。只嗅梨花解宿醒。江湖集。羅興之。被酒詩。人間笑口信難。開。十事常嗟九不諧。忙裏始知閑氣味。老來方見少情懷。清角際。標歲無幾。玄髮蕭疎。生有涯。誰謂伯倫。聞見戒。却甘麴蘖。自沉埋。直。

禁被酒

宋史王著傳。建隆四年春。著以中書舍人宿直禁中。被酒

過點為比

喫酒

趙希伯會心錄。桂陽圖志。載東漢成仙君名武丁。桂陽郡臨武縣人。少不學問。有自然之性。年十三為縣

小吏。身長七尺。有異俗之狀。縣遣送物上州。太守周昕識其異。欲而親之。署為文學主簿。郡因元日。讌賓客。使仙君司酒。忽取酒舍而喫之。眾以為

怪。令司儀舉其非禮。昕曰不然。此必有以。及問喫酒之由。答曰。適見臨武

縣失火。心中哀之。所以喫酒救之耳。太守方欲遣人勸諭。適縣令張濟書

來。言元日慶集。晡時火起。延燒廳署。時天氣澄霽。忽見東北黑雲暴雨大

至。火遂滅。雨下時。皆作酒氣。救火者。被雨皆醺醉。翰林家求曰。樂巴喫

酒。法引神仙傳。樂巴蜀郡人。為桂陽太守。漢帝召為尚書。正朝大會。巴獨

後到。頗有酒色。不飲而以酒望西南喫之。有司奏巴大不敬。詔問巴對曰。

臣鄉里以臣能治鬼護病。為臣立廟。今旦耆老皆入廟致饗。是以來遲。適臣

本縣成都市失火。臣喫酒為雨。以滅火災。其事與成武丁皆相類。後一旦

大風天霧暗。失巴所在。尋問之曰。還成都與親戚別而昇天矣。按東漢書。

巴實魏郡內黃人。非蜀郡也。因鍊鍊實武。陳蕃帝怒自殺。非昇天也。傳但

言其有道術。能使鬼神。不及喫酒事。蓋與武丁皆東漢人。巴又嘗為桂陽

太守。疑只一事誤繫之二人。不然則方位幻化之術。偶同耳。更俟識者辨

之。北堂書鈔。汝南先賢傳曰。郭憲字橫。遷侍從。駕南郊。憲舍酒東北。三窮

執法奏不敬。詔問何故。憲對曰。齊國失火。喫酒已厭之。後齊果失火。燒數

十家。求酒。事文類聚。宋滅質在盱眙。魏太武自廣陵還。就質求

酒。質封漉便與之。太武怒甚。攻圍三旬。不下乃去。

永樂大典卷之一萬二千四十四

重錄總校官侍郎 臣高拱

樂士 臣胡士蒙

分校官修撰 臣丁士美

書寫儒士 臣章伯輝

圖書監生 臣馬宗孝

臣 趙進第

永樂大典

卷二二〇七一